

22. oktober 2013

UKA 2013/68
Evelyn Frederiksen

Partiit arlaat pisortanut akiitsoqarpat, politikikkut sulinermut pisortat tapiissutaasa noqinneqarsinnaalernissaat qulakkeerniarlugu inatsisissamut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Andreas Uldum, Demokraatit)

Inatsisartuni ilaasortap Demokraatineersup Andreas Uldum-ip aalajangiiffigisassatuit siunnersuutaa Siumumit ima oqaaseqarfigissavarput.

Partiit arlaat pisortanut akiitsoqarpat, politikikkut sulinermut pisortat tapiissutaasa noqinneqarsinnaalernissaat, qulakkeerniarlugu inatsisissamut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

Aalajangiiffigisassatut siunnersuummut § 37-mik Demokraatit apeqqutiqaatigisimansaanut 12. juni 2012-mi Naalakkersuisut akissuteqarfigisimavaat 24. august 2012 akissutigineqartumi erseqqissumik Aningaasanik ilanngaassinermut tunngasut Kalaallit Nunaanni eqqartuussisarnermik inatsimmi nr. 305-imi 30. april 2008-meersumi, § 625, imm. 1-imi allassimapput, pisortanit aningaasanit tamanit pisassanit ilanngaassisoqarsinnaasoq, tasunga ilanngullugit sulinermi aningaasarsiat tunisassianillu tuniniaanermi pissarsiassat. Aalajangersaanerup atuutinneqarnissaanut suliaqarnermi aningaasarsianut suliaqarnermi aningaasarsiassanik, soraarnerussutisiassanik assigisaanilluunniit ilanngaassisoqarsinnaavoq. Taamaattumik aalajangersagaq tunngavigalugu aningaasat pisortanit pisassat aningaasarsiatut isikkullit ilanngaatigineqarsinnaasorinarput, aningaasalli pisortanit pisassat taakkunungalugu assingusut aalajangersagaq tunngavigalugu ilanngaatigineqarsinnaanatik. Taassuma saniatigut eqqartuussisarnermi inatsit inunnet inatsisilerinermik suliaqartunut, taakkununga ilanngullugit partiit, atorneqarsinnaanngitsutut isiginarpoq.

Akissummittaaq tassani aamma nassuiarneqarpoq Inatsisartut Naalakkersuisullu pillugit inatsisartut inatsisaat nr. 26, 18. november 2010-meersumi § 1 Naapertorlugu inatsisiliortut pissaanermillu atuutsitisut avissaartinneqarsimapput. Taamaasilluni Inatsisartut Naalakkersuisullu pillugit Inatsisartut inatsisaat taanna tunngavigalugu Inatsisartut Naalakkersuisullu allaffissornikkut avissaaqqasorinarput, taamaasillinilu illuatungeriilluni piumasaqaateqarsinnaatitaaneq naammassineqarsimanani, aammalu taamaattumik aningaasanik Inatsisartuni tunniunneqartuni ilanngartuussisoqarsinnaanani.

Naalakkersuisut akissutigisimasaat tunngavigalugu ilanngartuisinnaatitaaneq periarfissaanngilaq, akiliisitsiniaasartullu aamma periarfissaqanngillat aningaasanik pisortat tunniussaannik/tapiissutaannik tunniussinaveersaarnissaminnut, Partiit periarfissaqarput isumaqatigiissusiornikkut akilersuinissaminnik, inatsisit malitassat malillugit tapiissuteqartar-

neq ingerlasarpoq, taassuma iluani piumasaqaataareerpoq pisussaaffiit arlallit naammassineqariissasut tapiissutit tunniunneqassappata.

Nassuiaatigineqarsimasut tunngavigalugit Demokraatineersup Andreas Uldum-ip siunnersuutaa Siumumit itigartipparput.